

P R E D G O V O R

Studirao sam u Doboju , Beogradu , Novom Sadu i Banja Luci , ali sam najviše spoznao i naučio o ekonomiji i filozofiji sticanja znanja na PANEVROPSKOM UNIVERZITETU „ APEIRON „ BANJA LUKA .

Zahvalan sam svojoj voljenoj porodici na odricanju , podršci i razumijevanju , zatim svojim dragim kolegama na svesrdnoj pomoći i saradnji i poštovanim profesorima na trudu, strpljivosti , pozitivnoj orijentaciji prema studentima i izvrsnom metodu prenošenja znanja !

S poštovanjem !

Korporativno upravljanje kao sistem kojim su kompanije upravljane i nadzirane , na našim prostorima je tek u povoju i njegov okvir u poslovnim subjektima je vrlo slab , naročito u Bosni i Hercegovini , ali i u širem okruženju , Srbiji , Hrvatskoj , Crnoj Gori i Makedoniji ... , dakle u državama tranziciji , gdje je proces restrukturiranja preduzeća usporen.

Korporativno upravljanje se odnosi na procese , običaje , politike , zakone i institucije koje utiču na način kako se korporacija usmjerava i kako se njome upravlja .Korporacija je uspjela otkloniti sve slabosti ortačkih društava , posebno one koje se odnose na rizik , budući da u slučaju bankrota korporacije , vlasnik akcija – dionica gubi samo ono što je uložio u njih.

Dobro korporativno upravljanje je stalan proces iscrpne analize menadžmenta i strateškog planiranja širokog spektra pitanja gdje se podrazumijeva proaktivna supervizija svih internih i eksternih veza , s ciljem unapređenja (internih) performansi korporacije , kao i njenih eksternih uticaja na odnose sa svim interesnim grupama - klijentima , korisnicima , investitorima , vlasnicima / akcionarima , partnerima , regulatorima , dobavljačima i ostalim.

Dobro uređeno korporativno upravljanje omogućava poslovnim subjektima rast i napredak i donosi ekonomsku dobit cijelom društvu.Od efektivne primjene savremenih principa i dobre prakse korporativnog upravljanja danas zavisi sudbina svih direktora i menadžera , a naročito u zemljama u tranziciji , gdje se pravovremena implementacija sistema korporativnog upravljanja pretvara u značajnu komparativnu prednost i otvara vrata međunarodnom kapitalu .

Stoga sam se i odlučio specijalizirati na ovu složenu , ali interesantnu i privlačnu temu, te kroz ovaj rad dati joj svoj skromni doprinos, iznoseći svoja promišljanja o shvatanju uloge i značaja računovodstvene i reivizorske profesije na korporativno upravljanje .